



Kralja Tvrtka br. 1, 74260 TEŠANJ, Bosna i Hercegovina  
Tel/Fax: 032 655 770 ; e-mail: muzejt@bih.net.ba  
broj računa : 3385502256153546 UniCredit Bank  
1405010022107394 Volksbank  
ID Broj:4218680270007

---

Broj: 02-40-83/10

Datum: 15.07.2010.godine

**PREDMET:** Javni poziv građanima.-

Poštovani sugrađani,

Nedavno je u Dizdarevoj kuli na Starom gradu Tešnju otvorena prva stalna muzejska postavka Muzeja Tešanj. Značajan doprinos u njenoj izradi dali ste Vi dragi sugrađani, darivanjem različitih predmeta ili dokumenata, koji su svojom kulturno-historijskom ili umjetničkom vrijednošću zaslužili da se nađu unutar muzejske postavke. Ovim putem svima Vama se srdačno zahvaljujemo.

Budući da tešanjski muzej raspolaže skromnim fundusom muzejskog materijala, predstoji nam dalji kontinuiran rad na prikupljanju istog. Stalna postavka će biti vremenom proširena, osvježavana novim muzealijama, a postavljat će se i druge kolekcije, odnosno zbirke, ovisno o raspoloživom materijalu. S tim u vezi molimo Vas da se odazovete na ovaj poziv i da darujete, ukoliko posjedujete stare rukopise i rijetke knjige, arhivsku građu, stari novac i karte, staro oruđe i oružje, medalje, nošnje, namještaj, djela iz oblasti likovne i primjenjene umjetnosti, zanatstva i tehnike. Muzej je spreman i otkupiti materijal ako se procjeni da posjeduje odgovarajuću vrijednost. Vašim odzivom na ovaj poziv učiniti ćete da muzejski artefakti kao svjedoci našeg rada i postojanja dobiju svoje pravo mjesto u depandansima Muzeja Tešanj, i to u Eminagića konaku i Dizdarevoj kuli koja se nalazi unutar kompleksa Starog grada Tešnja. Nemojte dozvoliti da vrijedni muzejski materijali završe u drugim muzejima kao što se to do sada dešavalo. Ukoliko se odazovete na naš poziv, a iskreno se nadamo da ćete to uraditi, za svaki vrijedan artefakt ćete dobiti odgovarajuću potvrdu, a u muzejskoj postavci će se također navesti vaše ime i prezime kao donatora. Vašim odzivom na naš poziv učiniti ćete dvije važne stvari, pomoći ćete Muzej u formiranju budućih muzejskih postavki, i sačuvati ćete od zaborava i propadanja vrijedna svjedočanstva našeg postojanja na ovim prostorima. Iskreno se nadamo da ćete se odazvati našem pozivu.

Za sve informacije možete nas kontaktirati na broj telefona 032 / 655 770.

S dubokim poštovanjem,

**DIREKTOR MUZEJA**

Jasmin Mandžukić, prof.